

INUIT ATAQATIGIIT INATSIARTUNI



UKA2023/40

10. November 2023

Kristian Jeremiassen

Uunga siunnersuut: Illunut sanaqataaffiusunut taarsigassarsiat pillugit Inatsisartut inatsisaata allanngortinneqarnera pillugu Inatsisartut inatsisaat (Illunut sanaqataaffiusunut kommunimit taarsigassarsiat, illunillu sanaqataaffiusunik il.il. aserfallatsaaliuinissamut, nutarterinissamullu taarsigassarsiat tapiissutillu) (Ineqarnermut Attaveqaasersuutinullu Naalakkersuisoq)

Siullermeerneqarnera.

Isorliunerusuni nunaqarfinnilu periarfissat ammaraluttualerput sanaqateqarluni illunut sanaqataaffiusunut inatsisissami matumani Inuit Ataqatigiit qamangga qamangavik nuannaarutingaarput nunarput tamaat isigalugu isorliunerusut nunaqarfiillu annertuumik periarfissinneqarnialermata inatsisissakkut maanna oqaluuserilikkatsinni Inuit Ataqatigiillu kissaatingilluinnarparput piviusunngus-sasoq ukiut tulliani upernaakkut ataatsimeereernerup kinguningua.

Illoqarfinni mikinerusuni nunaqarfinni isorliunerusunilu sanaartorneq uninngasimavoq Inuit Ataqatigiillu isumaqarpugut nuna ataatsimut isigalugu ineriartorneq ingerlanneqartariaqartoq partiinillu suleqatingineqarsimavugut siuttuusimavungullu partiitut annerpaatut suleqateqassalluta isorliunerusuni sanaqateqarluni illuliorsinnaaneq pingaaruteqaqaaq uninngasimasorlu aallartinneqarnialermat Inuit Ataqatigiit qutsavigiumavagut suliamut matumunnga naapeqatingiissinnaangatta aningaasanut inatsisissap suliarinerani tassamiuna nukinnik annertuunik pilersitsisartugut suleqatigiilluta anguniangaqaleraangatta

INUIT ATAQATIGIIT INATSISSARTUNI



assortuutiinnarnata inatsisisissap matuma Naalakkersuisut saqqummiussaaticut tamanna ersiutingivaa nukissuarnik pilersitsisartugut suleqatingiileraangatta assortuuffissangut ujarnatigit qanortoruna tamanna anersaaralugu sulingisa innuttaasummi qinerpaaticut naaperiaanikkut suleqatingeeqqulluta maani inimi assortuunnissatsinnik suliaqaqqunata angusaqaqqullutali.

Nunaqarfinni illoqarfinni isorliunerusunilu sanaartorneq uninngasimavoq toqqaannarlungu oqaatingilluaannarlungu univissorsimavoq 2021-imi naalakkersuisooqatingiit nutaat kingornalu 2022-imi naalakkersuisut nutaat sanaartorneq ingerlanneqarnissaat sinerissami nunaqarfinni illoqarfinnilu miki-nerni isumaqatingiissutaavoq tamannalu qujanartumik manna tikillugu aningaasanut inatsisisissaq aqqutigalugu isumaqatingiissutingineqartarsimavoq, partiit sanaartornerup siaruarnissaanik isumaqatingiissuteqarsin-naaneq nunaqarfinni illoqarfinnilu aningaasanut inatsisisissaticut qulakkeerne-qarsinnaammat qutsatingeqaarput qujaneq amingarpoq suliassaqaqaangulli suli siunimmami ornitatsinni qanortoruna suleqatingiinnek aallaavioqqilli assortuun-nermiit tassa Inuit Ataqatigiit partiinut kaammatuutingeqqikkusutarput.

2017 aallarnerfigalugu aqqissuusseqqinnermi ataatsimiititaliarsup innersuus-sutaa malillugu ineqarnermi aningaasaleeriaaseq kommune-nut nuunneqarpoq tamanna kinguneqanngittoorpoq sanaartornerunermik atorluaanermilluunniit tamannalu illoqarfinni miki-nerni aammalu nunaqarfinni isorliunerusuni eqqin-nerluppoq tassami ineqarnikkut ajornartorsiutit annertusiartuinnavissimapput sanaartornerlu unittoorluinnarsimalluni maannakkulli tamanna kukkuneq aqqinniarlungu Naalakkersuisut inatsisisissaticut siunnersuutaat Inuit Ataqatigiit ilassilluarpaat akuersaarlungulu sanaartornermi ataatsimiititaliami aappassaaneerneqannginnarani suliareqqinneqartussaticut ingerlateqqillugu.

Inuit Ataqatigiit iluarisimaarparput innuttaasut nammineerlutik illunik pilersornissaaat periarfissaaqqilissammat tamannalu aamma innuttaasunit periarfissalinnit atorluarneqarnissaa kissaatingineqartipparput illummi maanna qanga sananeqarsimasut amerlasuut naleqqukkunnaarsimapput peqqinnaratillu. Illunik sanaartorneq unilluinnarsimasoq illullu kinguussaallutik pisoqalisut nutaanik taarsernissaat piffissami sivisuumi ingerlaqqaassasoq inuit ataqatigiit ili-smaarivarput ineriartornerli sinerissami sukumiisumik malinnaaffingissavarput.

INUIT ATAQATIGIIT INATSIARTUNI



Inuit Ataqatigiit nammineq illuliorsinnaanerup soqutinginartuunissaa taamatullu sinerissami nunaqarfinni illoqarfinnilu mikinerni isorliunerusunilu periarfissai pittaasuussariaqartut isumaqarpugut ukiuni kingullerni maannalumi naatsorsueqqissaartarfimmi kisitsisit malilluit nunaqarfinni illoqarfinnilu mikinerusuni inukilliartortoqarpoq malunnaatilimmik ataatsimiititaliallu sulinerani nammineq illuliorsinnaanermut erniaritinneqartoq 3 procent point-usoq 2 procent point-nngortinneqarpat qanoq naleqassanersoq paaserusupparput tassami nunaqarfimmiut illoqarfinnilu mikinerusuniittut piffitsik najuinnarnissaanut periarfissarititaasunik pittaasunik ujarlertariaqartugut isumaqarpugut.

Illoqarfiit mikinerit nunaqarfiillu inuisa illoqarfinnut anginernut nutsernerat annertuvoq aammalu piffinni taakkunani sulisussaalsinerit suliffeqarfinni assingiinnittuni piuvoq inatsisissatut siunnersuummi inoqutigii isertitaat 600.000 kr sinnersimappatikkitt taarsigassarsititsisoqarsinnaajunnassaaq piffinnili siuliani taakkartukkagut inukilliartuinnassanngippata 800.000 kr.-inut killeqarsinnaanersoq ataatsimiititaliamit misissorneqarnissaa Inuit Ataqatigiit ilanngullungu kissaatingivaattaq tassami piffiit isorliunerusut nunaqarfinniittut illoqarfinniittullu periarfissangissaarnissaat uani pineqarpoq misissueqqusinitinnut erseqqissaatingissavarput inatsisissatut siunnersuummi sinneri kalluarneqannginnissaat kissaatingingatsingu imaluunniit pitsanngoriartinneqarnissaat.

Naggasiullungulu inatsisissaq pisariaqartoq paragraf-it assingiinnngitsut kisitsisillu saqqummiunneqartoq appasinnerusinnaaneri tamakkerlugit qanorlu kingunissaqarnersut siornatigut oqaaseqarnerput innersuullugu sanaartornermi ataatsimiititaliami aappassaaneerneqartinnagu qulaajaanernik inatsisissamillu suliaqarneq suliaassanngortipparput.